

霑益州志

卷之二

城池 學校

風俗 戶口

田賦 課程

經費 水利



霑益州志卷二

城池

附關哨

郵傳

津梁



今天下有道守在四夷顧列宿著藩垣之象名山峙城郭之形先王則天因地衛國庇民高雉堞而固金湯其有備無患之意乎若夫鳴雞易詐謹飭關隅度馬難通調停驛路皆職守要政也况霑扼一方之鎖鑰通萬里之車書修廢舉墜可不務諸志城池關哨郵傳津梁均附之

州治舊名易陬籠城宋時磨彌部蠻蒙提所築元設交水縣於此久廢天啟三年城交水以磚石高一丈

霑益州志

卷二

城池

川字一

四尺厚丈週圍六百丈徑一里三分堞口一千二百零雉堞高六尺開四門東曰太平南曰河清西曰觀華北曰拱辰城樓四久圯雍正十年知州杜思賢詳請復修

舊志

嘉慶七年知州洪其照捐廉修補

續志

道光二十年署知州高環重修咸豐六年回叛知州法豐阿督士民開城濠其西北係民田事定仍歸民耕東南尚有遺址寬八九尺不等七年馬連陞跼踞州城畏官兵攻勦取城內外閒磚廢石增高堞口一層同治三年城復十一年東城傾十餘丈署知州趙



桂棻捐殷戶修築完固光緒二年城西傾十餘年經署州蔡學鴻詳修九年北城傾十餘丈知州陳燕請欵修補四門譙樓惟東城於咸豐元年知州鄧墀遷東門外廢關帝閣神像於其上歲時奉祀尙堪修補餘三樓久圯

詳冊

案太平門據父老傳聞原開於震方直中街後移開於東大街位巽方至今堪輿家多議之

炎方土城在州東北百里明天啓五年巡撫閔洪學檄守備吾必奎建周三百丈高二丈

通志

尋霑營撥把

總一員駐防

霑益州志

卷二

城池

二

川 8 X

松林驛土城在州北二十里明天啓五年巡撫閔洪學檄都司王聘選建周三百丈高二丈

通志

炎松巡檢分駐咸豐五年巡檢朱學垣詳請率士民補修完固木陽城在城西七十里小嘛喇土目安紹欽因兵變詳築高八尺今已半圯

詳冊

關哨

附

阿幢關舊設巡檢弓兵

久裁

松韶關舊設巡檢弓兵

久裁

交水汎

非州境者不載

廟坡塘

今改哨留兵二名

新橋塘

今廢

龍華塘

今存

白衣閣塘

今存

角家哨塘

今裁

海子鋪塘

今存

獨樹哨

今存

秧草灘塘

今裁

東卽



南甯  
縣界

案新橋塘載通志今存龍華塘故並補入

炎方汎

黑橋塘

小哨

大哨

烟堆哨

十里舖塘

遵

化舖塘

松哨關塘

來遠舖塘

炎方大塘

永

安舖塘

案以上塘哨係尋霑營借地安設

寬塘

羊場塘

二塘在州東南屬中營亦佐汎其兵米例於平彝縣支給

舊志

今據汎册塘哨附後

霑益州志

卷二

城池

關哨

三

川

東自白衣閣塘至海子舖塘十五里與白水汎塘交

界西南自龍華塘南十五里與南甯汎大坡寺塘

交界西至石板橋塘十五里至三岔塘十里至茶

亭塘十里至响水塘八里至大海哨塘七里與馬龍

汎黑泥哨塘八里交界北至黑橋塘五里與尋霑

營炎方汎交界

詳册

郵傳

附

交水驛舊名南甯驛在曲靖北門外以紆道不便捷

交水近隸州轄原設馬五十四匹後裁存馬四十四匹

舊志

光緒元年六月初十日奉文交水驛存留馬七匹添



設健夫拾貳名馬夫三名號書牌役獸醫三名 檔冊

三岔驛雍正二年以交水至馬龍道遠勻裁各驛於

此添馬一十二匹隸州轄 舊志 光緒元年六月初十日

奉文存留馬四匹添設健夫八名馬夫二名號書一

名 檔冊

炎方驛係通蜀西路原設馬十匹後裁存六匹 舊志 光

緒元年六月初十日奉文存留馬一匹添設健夫八

名馬夫一名號書一名 檔冊

松林驛原馬十匹後裁存六匹炎松二驛設巡檢專

管 舊志

霑益州志

卷二

城池 郵傳

四

四〇八

交水堡額設夫百名隨驛隸州轄舊例交水無堡東

路之定南堡西路之普魯吉堡皆至三岔接替因定

南三岔相距八十里路遠力疲難供損運因撥抽二

堡餘丁於交水設腰堡上下至此接替松林至三岔

僅五十五里且屬僻路應付無多自明至今腰堡例

不接替仍徑送三岔

三岔堡額設夫百名隨驛歸州轄每名日支工食銀

五分裁四留六日支三分交水同

普魯吉堡即松林額設夫五十名隨驛轄每名日支

工食銀三分裁四留六實支一分八釐雍正二年裁



給迤西各站九年蒙上憲准復定爲四十四名火忽都同

火忽都堡卽炎方

阿幢舖州南十里與公館海子舖同當通京孔道康熙三十年巡撫王勻給舖司兵工食三名每舖一名不敷走遞雍正八年知州汪無限據訴呈詳於東路三舖各增舖司兵一名每名日支銀一分

公館舖州東五里

海子舖州東十五里

山塘舖州北五里係通蜀孔道較東路稍僻歷無工

雲益州志

卷二

城池

郵傳

五

食近於州北分設宣威竝新關昭通等府州縣廳舖兵走遞與東路等雍正八年知州汪無限據訴呈詳請照宣威各舖例於山塘以下八舖每舖設舖司兵二名每名日支銀一分

松林舖州北二十五里

十里舖州北三十五里舊名平南舖

遵化舖州北五十五里

松韶舖州北七十五里

來遠舖州北八十五里

麗澤舖州北一百里



永安舖州北一百二十里

以上等舖舊有冷飯田免其輸納雍正六年躡丈一概科徵舖民甚苦雍正十年夏知州杜思賢代為詳請懇照通省之例各免十畝蒙憲批准仍令州牧查糧補數以上舊志

津梁附

太平橋在城東門外達京師大道萬厯中重修康熙年間邑人沈逢聖補修

山塘橋俗名黑橋離城北三里許通四川大道唐武德七年冬十二月檢校南甯都督韋仁壽建

靈益州志

卷二

城池 津梁

六

新橋城南十里

阿幢橋城南八里久淤塞故道無存橋脊尚在舊於此設土巡檢久裁

高橋離城東十二里多冲激時需修築

城方橋城北四十里

朝陽橋城東南三十里

猓羅橋城南十三里

鄧官橋城南二十里

王把事橋城東南十里

舊志

慶豐橋舊名三碕橋州東一里許署州牧洪其照倡



議捐建邑人彭輔周有序見藝文

車洪江橋州西北一百二十里東川劉漢鼎獨力建  
事詳本橋碑記

過河山橋原有木橋一座遇雨水漲發輒被冲塌雍

正年間州民彭翮遠係貢生彭世勲之父青陽縣知

縣彭輔周之祖率眾捐貲改建石橋計七硿至今往

來車馬皆賴以濟事詳本橋碑記 續志

案太平橋於道光十七年知州李杰籌貲建高

丈餘新橋於咸豐二年知州鄧墀交水泚黃元

籌貲重修山塘橋於光緒四年邑人蔣自萬勸

霑益州志

卷二

城池 津梁

捐重修慶豐橋因洪水淤沒光緒三年州人掘

取橋石築礅以搭浮橋未成旋廢車洪江橋通

志作劉公橋

天生橋在城東二十里

松韶關石橋一硿原係木橋光緒三年邑人蔣自萬

勸貲改建石橋

妥樂江橋上下二座在州西九十里妥樂江上當東

川入曲靖之路咸豐六年回叛燬現今該地居人捐

募復建木橋並造瓦屋覆橋

德澤江小橋在州西一百二十餘里當曲東商販大



路夏漲艱行光緒二年經曲靖府武生趙有元臨安  
商人孔孝剛暨本地紳首募捐建造

詳冊

東興橋在東門外挑水巷前俗名蜈蚣橋以棕樹搖  
馬頭計七空上覆石板乾隆四十九年落腳塘村民  
捐貲起建咸豐間因兵燹廢今未重建

雙河橋在城西十里雙河壩下河中砌石墩五以巨  
木塔之上鋪石板三行此橋極高建年無考

保安橋在城西七里响水河下爲石硿一

沈家橋在城南十里臘溪下河

松林大橋在城北二十里松林之西北

採訪冊



學校

祀位圖 卷價碑

學額 義學

學田 書籍

書院 鄉飲

書院產業 賓興

何以治天下道而已矣何以致道學而已矣道如何原出於天體具於心其理散見於倫常日用學如何考之於經驗之於史體會之於身心以應天下事物於無窮雖然此其說似迂矣

聖主必日以教斯民何也蓋氣運之隆由於民風美民風之美由於士習端世不可以一日不明倫即不可以一日不事學迂乎否乎霑之人其爭自淬勵以上應休明之昌運乎志學校凡闕學校者竝附之

後漢章帝元和中蜀郡王追為益州大守始興起學校

霑益州志

卷二 學校

九

唐元宗開元三年盛邏皮立

孔子廟於國中

元世祖至元十九年命雲南諸路皆建學以祀

先聖

二十九年四月命設雲南諸學校以蜀士充教官

成宗大德五年定生員散府二十人上中州十五人下

州十人 元貞元年命有司割地給諸路蒙古學生

員廩餼

明洪武十八年令雲南所屬生員有成材者從便選貢

正統二年增雲南儒學師生廩米 十四年令揀選軍



戶送學習武舉業

景泰二年令雲南貴州軍民生兼考補廩膳照例科貢  
萬歷四年定廣西四川雲南等處凡改土爲流州縣及  
土官地方建學校者令提學嚴查果係土著之人方  
准考充附學不許各處士民冒籍濫入

本朝順治十八年准雲南省土司應襲子弟令各該學教  
訓俟父兄謝事之日回籍襲職其餘子弟併令地方  
官擇文理稍通者送提學考取入學先是順治四年  
直隸各省分大中小學大學取生員四十名中學三  
十名小學十二名又定直省各學廩生府學四十名

霑益州志

卷二 學校

十

州學三十名縣學二十名衛學十名增廣生額數同  
九年定每鄉置社學擇文義通曉行誼謹厚者充補  
社師免其差役量給廩餼優贍提學按臨查考又題  
准刊立臥碑置明倫堂之左永爲遵守至十五年定  
童生額數取進大府二十名大州縣十五名小學四  
五名

康熙九年定各州縣童生中學十二名小學七八名五

月額

御書萬世師表匾額於學宮 三十四年額



先師孔子及顏曾思孟贊於學宮 四十一年頒

御製訓飭七子文於學宮立石 五十三年

詔天下學宮升朱子木主於十哲之次 五十五年進宋

名臣范仲淹於先儒之次

雍正元年崇封

至聖先師五代王爵各直省府州縣建

崇聖祠 二年六月增雲南各州縣歲科試取進文章額

數霑益州增三名現額十五名

增祀明儒羅欽順

本朝儒臣陸隴其於東廡先儒之次三年十一月

霑益州志

卷一 學校

七

詒天下地名姓名有同

至聖先師諱者即改為邱字讀作期音 十二月頒

御書生民未有匾額於學宮

乾隆三年正月

御書與天地參匾額於學宮

廟學自移州治於交水未有定處康熙六年知州王作

楫學正黃世椿置今地修建五十一年知州吳節民

率紳士重建雍正十一年知州杜思賢金文宗先後

重修正殿五間兩廡各五間大成門五間啟聖殿五

間齋房三間更衣所三間照壁下鑿泮池架園橋對



建德配天地道冠古今二坊左建明倫堂三間堂後  
建正房四間廂房二間以爲學署乾隆十五年知州  
朱干高錦署知州馬元烈率貢生傅又說尹梁等重  
建

魁星閣於左側巽方乾隆三十年學正李文黼訓導趙  
嗣普率廩生彭世勲曾宗孔傅承蕙等以修葺餘銀  
起建

櫺星門坊一座

舊志

乾隆四十年知州張大本以南門大街

至聖廟宇地勢低窪局面逼窄率合州紳士移建於南門

霑益州志

卷二

學校

十三

川三

泚署右建泮官坊一座大成門三間櫺星門一座大  
成殿三間崇聖祠三間東西廡鄉賢名宦節孝祠俱  
備前

至聖遺址今改建隍司廟巽方魁星閣移建南門大街  
嘉慶四年頒

御書聖集大成匾額於學宮道光元年頒

御書聖協時中匾額於學宮六年邑人彭輔周袁服周張  
雲鵬等以大成門風脉不通商請知州王毓秀將殿  
宇建正兩廡拆卸重建移濶六尺有奇並將兩廡下  
隙地添建祭器樂器所四間與



大成門氣脈連接院宇較爲濶大

續志

案 文廟遺址因逼窄移建今處後據堪輿家言移建處實來龍背面不如舊址較妥通學因屢議復舊未果行

咸豐元年奉頒

御書德齊幃載匾額懸於

正殿七年叛黨踞城殿宇廡所全爲賊居城復後僅存先師木主餘均焚燬無存經前後學庄管事張際昌張應選玉開元余懷忠等添設牌位補葺坍塌現已粗有可觀明倫堂在學宮右已圯

霑益州志

卷二

學校 廟制

十三

川文

祭器向存學署因署爲賊居盜賣無存今尚未頒製同治元年奉頒

御書聖神天縱匾額懸於

正殿光緒元年奉頒

御書斯文在茲匾額懸於

正殿

詳冊

謹遵光緒二年奉頒

文廟丁祭譜

大成殿各圖附後並於東西廡先賢先儒圖外著明各朝代里居俾有所考云







兩廡先儒祀位圖

東廡三十一位

先儒張伯行  
先儒陸隴其  
先儒張履祥  
先儒孫逢奇  
先儒劉宗周  
先儒羅欽順  
先儒胡居仁  
先儒薛瑄  
先儒方孝孺  
先儒陳淳  
先儒金履祥  
先儒趙復  
先儒文天祥  
先儒何基  
先儒陳真得  
先儒陸九淵  
先儒張栻  
先儒李綱  
先儒羅從彥  
先儒謝良佐  
先儒司馬光  
先儒歐陽修  
先儒范仲淹  
先儒陸贄  
先儒陸贄  
先儒范仲淹  
先儒韓愈  
先儒韓愈  
先儒王若虛  
先儒杜若虛  
先儒毛若虛  
先儒劉若虛  
先儒董仲舒  
先儒高堂生  
先儒梁穀

西廡三十一位

先儒湯斌  
先儒陸世儀  
先儒黃道周  
先儒周坤仁  
先儒王守仁  
先儒蔡清獻  
先儒陳獻章  
先儒曾憲章  
先儒許謙端  
先儒吳澄  
先儒許衡  
先儒陸秀夫  
先儒王柏  
先儒翁文天祥  
先儒蔡元定  
先儒蔡元定  
先儒黃輔  
先儒黃輔  
先儒袁孝  
先儒呂祖謙  
先儒李安國  
先儒胡安國  
先儒楊焯  
先儒楊焯  
先儒韓琦  
先儒韓琦  
先儒胡瑗  
先儒韓愈  
先儒王若虛  
先儒杜若虛  
先儒毛若虛  
先儒劉若虛  
先儒董仲舒  
先儒高堂生  
先儒梁穀

嘉州志

卷二 學校

五 六

案明嘉靖九年稱 至聖先師孔子神位木主高

二尺三寸七分濶四寸厚七分座高四寸長七寸

厚三寸四分朱地金書四配神位木主各高一尺

五寸濶三寸三分厚五分座高四寸長六寸厚二

寸八分十哲以下凡門弟子稱先賢某子神位木

主各高一尺四寸濶二寸六分厚五分座高二寸

六分長四寸厚三寸左邱明以下稱先儒某子神

位木主各高一尺二寸四分濶二寸三分厚四分

座高二寸六分厚二寸俱赤地黑書續文獻通考

國朝兩廡稱先賢某先儒某不稱子餘因之



崇聖祠祀位圖

昌聖王伯夏公  
裕聖王祈父公  
肇聖王木金父公  
詒聖王防叔公  
啟聖王叔梁公

先賢孔氏

先賢顏氏

先賢曾氏

先賢子思氏

先儒周氏

先儒程氏

先儒蔡氏

先賢曾氏

先賢子思氏

先儒張氏

先儒朱氏

霑益州志

卷二

學校

共

學額

附

歲科試新進文童各十五名撥府二三名不等增廣  
生員三十名廩膳生員三十名歲試貢生四年三貢  
遇有恩貢以正作恩次作歲貢歲試取進武童十二  
名

學田

附

青麥地上中下則田陸百肆拾伍畝陸分額征穀租  
柒拾貳石玖斗叁升捌合柒勺  
沿塘上中下則田貳百肆拾捌畝叁分柒釐叁毫柒  
絲遞年征穀租貳拾陸石叁斗捌升捌合叁勺



稻田壩東至高山嶺南至當郎坡脚破土溝西至橫山北至赤章對面小山遞年征租穀拾貳石  
竹雞河額征租穀叁石

發乃坪東至阿郎河南至魯東河西至十八家村北至多憂嶺遞年蕎租伍市石 今增

以上立石於明倫堂其每年租息除納糧外買備春秋太牢各一隻餘作學宮修葺之用遞平由兩學派公正紳士二人經營於二月初三日

文昌會結算交替

幫祭田一分坐落史家坡 兩學經收

雷益州志

卷二

學校 學田

七

卷金田二十畝坐落沙溝 兩學經收

金劉屯田二十伍畝土官庄田二畝八分松林田五

畝太平橋田二畝十字路田三畝 丁冲山田一形

征租穀三市石

以上每年租息除納糧外餘作生童月課供給之

用兩學經收

軒家山一村前任州牧吳節民詳免該村門差每年上米市石一石陸斗供奉

文廟香燈

講約所在南門內原日泮宮坊右邊今為蒙館 舊志



書院

西平書院康熙四十六年建於望海寺久圯嗣於乾隆元年奉憲檄飭設立書院州牧朱干倡立於南門內建講堂三間廂房三間前書舍五間大門一間乾隆三十四年十二月署州牧王秉韜詳請為訓導學署另建龍華書院

舊志

龍華書院在州署東南乾隆三十四年署州牧王秉韜率合州紳士曾宗孔等建講堂三間移

文昌閣於其上前進大門三間書舍六間齋房三間後進書舍四間嘉慶七年奉

雷益州志

卷二

學校

書院

六

川十七

旨追贈

文昌三代立

崇聖祠州牧洪其照將州署右旁隙地讓開數丈率士民立

崇聖祠三間兩旁耳房各一間又因原建書院大門外係民間住宅出入皆借徑於東嶽宮之斜道非所以端士人之步趨復經州牧洪其照倡議捐貲構民居莫氏地起建飛閣大門月宮門居仁由義門規模宏敞端士習者胥於是昭其正大焉

查龍華書院向無膏火自嘉慶元年起至五年止邑



人何恆雷汝霖張昶王觀政彭輔周雷時霖張毓崙  
等倡議約狀元會二輪前後積息共銀壹千貳百餘  
金置產生息作生童月課膏火並添作山長薪蔬之  
資州人士飲水思源誠不能忘所自也爰爲誌之以  
補含谿王公修建之所未逮云爾

續志

案咸豐六年兵燹後二門三間及前後書舍俱  
燬壞同治三年城復經管事張應選陶澍停義  
館租重修後殿三間兩耳同治五年傾圮經管  
事朱念典李開科積書院租息重修

書院產業開後

雷益州志

卷二

學校

書院產業

十九

明入

買莫子祿地起蓋書院大門價銀壹百貳拾兩  
買桂天香樓房舖面前後二路中間空地一塊坐落  
十字街東至街南至傅姓房西至潘姓房北至段姓  
房價紋銀壹百叁拾兩

典崔鶴書樓房一路坐落大街價紋銀肆拾玖兩  
典唐升前後樓房二路中間過道一厦坐落十字街  
下價紋銀壹百兩

典彭相東樓房舖面耳房一所坐落十字街價紋銀  
柒拾兩

典張鎮北樓房舖面一間坐落大街價銀柒拾柒兩



典鄧培初樓房舖面一路坐落西門價銀伍拾兩  
典許立菴樓房一路平房一路坐落中街東至葉姓  
房西至徐姓房南至街北至葉姓房價紋銀貳拾兩  
典彭相東樓房舖面一所坐落十字街東至唐姓空  
地南至街西至丁秀升舖北至滴水價銀貳拾兩  
典雷因雲樓房舖面一路耳房地基三路銀叁拾兩  
典雷晴岩樓房舖面一間坐落中街價銀叁拾兩  
典仇萬言仇蘭臺樓房舖面一路坐落十字街價銀  
陸拾兩

典王萬可樓房舖面一所坐落南門價銀捌拾兩

霑益州志

卷二

學校

書院產業

三

川

典閔士祥樓房舖面前後二路坐落西門街東至驛  
房南至古埂石坎西至何家房北至街價銀貳拾兩  
典東門樓房舖面一路尿坑一個在房東邊價銀壹  
百兩

典郭擎一樓房一所坐落北門城脚下前城埂後蔡  
姓地左何姓房右何姓房價銀陸拾兩

典孫薦明水田一畝一坵坐落大灣價紋銀貳拾玖  
兩肆錢伍分

典仇蘭臺水田三畝共貳坵坐落土官庄門首東至  
大河南至徐姓田西北三至季姓田糧捌京升五合



遵八甲上價紋銀貳拾柒兩叁錢

典呂鷹揚水田二形一形二畝一坵坐落小園圩內東至陶姓田南至孫姓田西至溝北至堂弟田又一形一畝半一坵坐落黃家圩東至彭姓田南至碇碇西北二至蔡姓田價紋銀叁拾兩糧仁二甲四京升四合遵六甲三京升四合征租米四斗五升以房換危允中水田一畝坐落腰堡曹家田下東至溝埂南至溝西北二至曹家田價銀叁拾玖兩每年征租米四斗五升

洪國良送接典平瓦房舖面一路坐落西門街東至

雲益州志

卷二

學校

書院產業

三

川 81

曹姓房南至街西至天玉茶舖北至曹姓耳房價銀伍拾兩

陳舜送接典平房二路坐落東門橫街西向價銀捌拾兩

盧希聖送庄一所坐落黃草灘東至濫塘坡山頂達婦山梁土塘山嶺南至大路西至馬桑路小松樹地江山脚大麥塘落水碇石岩順山脚大麥地銅碇山口半山小路土塘小庄窠山嶺大路打滾膩塘小路北至鐵路交界大路有毗連小水塘外邊荒山沖一個落水塘大麥地一塊上截東邊麥地一塊西邊麥



地一塊地畝銀五錢三分應定南堡一百日買價紋銀伍百兩每年照市征小麥租貳石柒斗蕎租捌石柒斗伍升隨租錢玖千捌百文

王茂廷送買呂鍾水田二形一形十坵坐落紅稻冲大路邊東至河南至張姓田西至路北至溝秧田一坵布種二斗坐落何世文秧田下邊東至何大受秧田南至何世武秧田西至溝北至世文秧田一形八坵坐落小灣子東至河南至何姓長田西至何姓秧田北至路秧田一坵布種九升坐落張懷秧田下東南二至何姓秧田西至溝北至張姓秧田秋糧一斗

九升三合價紋銀壹百貳拾三兩每年照市征穀租貳石伍斗

金滿送接典水田三畝半秧田一坵菜地二分坐落飛鷺村底田圩糧佃自納價紋銀貳拾玖兩肆錢錢拾壹千文每年照市征租穀貳斗伍升

陳國祥陳國興送接典旱地二分一分坐落松韶關楂子山一分坐落簸坎價銀拾肆兩柒錢每年照市征蕎租四斗

張殿元送接典水田七分半坐落舊街子東至張姓田南至林姓田西至劉姓田北至朱姓田糧二升價



銀叁拾兩照市征租穀三斗

張國勳舊街子住送接典潘受元麥地三畝一塊坐

落大橋東至彭姓田南至劉姓田西北二至林姓地

糧六京升價銀叁拾肆兩

買王元弼水田三畝二分坐落河邊東至丁姓田南

至河西至常住田北至溝隨田秧田二坵坐落田上

糧五京升生戶上納價紋銀叁拾陸兩征租米四斗

六升

張翔送水田一形坐落大樹屯共六畝價銀伍拾叁

兩錢拾壹千五百文糧八升征租穀壹石貳斗

霽益州志

卷二

學校

善院產業

三

川廿

案以上各產嘉慶十五年十一月十二日立石

於講堂嗣後置產據管事開單列后

當王萬可水田貳畝柒分坐落小溝價銀陸拾兩嘉

慶十八年

當許立菴水田貳畝坐落曲家營價銀貳拾兩嘉慶

二十五年

丁楨施入水田壹畝坐落鮑家圩價銀拾貳兩陸錢

道光十二年十月十一日

佐賜施入麥地肆畝半坐落顧家圩價銀貳拾捌兩

柒錢道光二十三年十一月十六日



萬廷秀施入水田伍畝坐落肖家營價銀壹百兩零  
貳錢同治八年二月十六日

張四先生施入接買王維新水田貳畝坐落天生壩

白勒冲計二形價銀伍拾兩

曲家營上營劉姓門首水田貳畝

曲家營麥地貳畝坐落小河邊又麥地叁畝

北門外菜園壹形計五塊

團樹海麥地拾分每分計地拾陸畝玖分叁厘咸豐

二年知州鄧墀跣文官荒撥歸書院沙河鄧家鄉人

領照租種

霽益州志

卷二

學校

書院產業

二

胡家大路水田捌畝

以下卷金會產

土諸寺旁水田七分

北門外水田貳畝又一形柒分

棧房一所現存後三路坐落後街椿茂棧左

學正王處禮施郭天柱借銀貳百兩作抵樓房鋪面

壹所坐落真武觀左

今增

定卷價碑

州正堂董批據合州紳士稟稱通學公議將西平書

院原作卷金之租息公項鋪面三所之租銀撥交禮

書征收幫補公給至歲科州府考試文童卷價每場



每本定制錢壹百貳十文入冊錢貳十文武童每場  
每本錢貳百文入冊錢肆拾文府試結狀文童每張  
錢貳百捌拾文武童每張錢肆百陸拾文自首至尾  
俱無二價既有禮書供給之資亦免生童勒索之苦  
所稟殊屬善舉本州樂從當卽批准定案爾等各宜  
遵行紳士毋得揮入鯨吞禮書毋得挪用誤公佃戶  
更毋得抗短租息如違稟究仰紳士遵批勒石以垂  
永久

一西平書院麥地共壹拾玖分從前收過押頭銀玖  
拾叁兩每年共收小麥租五市石三斗三升外有米

租穀租並田畝坐落佃戶姓名俱載印冊壹本並交  
禮書收執照冊收租所該糧條在禮書上納至押頭  
銀兩不得私加分釐外有印冊一本並柯家營田契  
施白三紙遞交龍華書院管事收執

一公項舖面三所共價銀壹百玖拾兩公收押頭銀  
柒兩每月共征租銀壹兩玖錢文契遞交龍華書院  
管事收執租約遞交禮書收執如房主取贖憑通學  
將銀置產仍以禮房征租以上二項或因抗租另行  
招佃須憑學庄管事禮書不得自專

一州試所送舉貢廩保卷子及府試所送廩保卷結



仍照舊規相送至禮書更替之日所有應得租息照  
月截算均分 今增

此碑在書院講堂道光十九年立

義學

經館前任州牧金文宗詳免椒樹村保家鄉門差每  
年椒樹村上穀拾市石保家鄉上米壹市石八斗供  
館師修脯今詳歸龍華書院

蒙館前任州牧金文宗詳免沙溝沈家營扯捕龍潭  
門差每年上穀捌市石作館師修脯

西堡義學價買西堡住民張榮水田十八畝大小六

靈益州志

卷二

學校 義學

三

坵坐落油菜冲並麥地四塊坐落趙安邦門首又旱  
地六形一形坐落銅鑛山一形坐落尖山一形坐落  
小石山一形坐落路上一形坐落大坪子一形坐落  
白泥口塘子又山場一嶺與麥地相連每年水田納  
租穀七市石麥地旱地每年分租

松林義學卽卡郎

李家鄉義學卽羊場

新橋義學卽作棚

石羊義學卽木冲

以上四館價買許家山住民許燕貴水田二十三畝



共三形一形十畝大小三坵坐落柏家墳一形十畝  
三坵坐落賣主門首圩內一形三畝坐落路下年納  
市斗穀一十四石一多村九道河二處王章等每年  
納義學租穀八市石又蔡家山價買水田一十二坵  
共三形一形六畝一坵坐落小轉灣一形四畝一坵  
坐落小轉灣一形二畝一坵坐落麥地邊每年納租  
穀一十二石一阿幢橋歸入義學田十一畝每年納  
租穀五市石五斗

以上四館州牧郭存莊率士民修辦碑存明倫堂  
及扯義學

霑益州志

卷二

學校 義學

三七

川

田一分坐落及扯每年納租穀二市石 舊志

案松林李家鄉新橋石羊四館積弊相沿所收  
無幾同治十三年管事萬廷秀稟請嚴追經署  
州夏廷燮傳訊各館佃戶該佃等當堂具結每  
年各館除納糧外具認實納租穀二市石八斗

在案

書籍 歷次頒發

聖諭廣訓 一本

上諭 計二套共二十四本

上諭律條疏解 一本



御纂周易折衷 計二套 共十本

御纂書經傳說 計二套 共十六本

御纂詩經傳說 計二套 共二十四本

御纂春秋傳說 計二套 共二十四本

御纂日講四書 計二套 共十二本

御纂性理精義 計一套

御選古文淵鑑 計一套 共二十四本

賜錢名世詩二本

祭器圖一本

學政全書一本

雲益州志

卷二

學校

書籍

三

鄉飲酒醴儀注一本

書院條規一本

綱鑑正史約 計二套

駁呂留良精義 計一套

上司屬員接見儀注一本

資治通鑑 計十套

爾雅 計一套

大學衍義 計一套

斯文精粹 計一套

孝經小學近思錄合訂 計一套



四禮四禮翼二本

呂子節錄一本

明史計四本

四書大全計六套

欽定磨勘簡明條例計二本

義學七館書籍

御選古文淵鑑七部

綱鑑正史約七部

大學衍義七部

御纂性理精義七部

霑益州志

卷二

學校

書籍

完

斯文精粹七部

書院條規七本

孝經小學近思錄合訂七部

朱子治家格言七本舊志

案以上各種書籍自咸豐軍興後散失無存今

將現奉頒發各書開載於左

聖諭直解六本

文廟丁祭譜一部計十二本

文廟祀典源流一本

文廟祀典輯要一本



教諭語六本

條教十二則二本

桑蠶須至一部

英國條款一本

大喘喚國哪喊國條約一本

檔冊

鄉飲

遵會典  
開載

一鄉飲每歲正月十五日十月初一日舉行

一各處府州縣於儒學行鄉飲禮酒肴係官錢內從實酌量支辦務要豐儉得宜

一凡府州縣行鄉飲禮衆賓序齒列坐其僚屬則序

霑益州志

卷二

學校

鄉飲

三

川文

爵前一曰執事者於儒學之講堂依圖陳設坐次  
司正率執事習禮至日黎明執事者宰牲具饌主  
席及僚屬司正先詣學遣人速賓比至執事者先  
報曰賓至主席率僚屬出迎於庠門外以入主居  
東賓居西三讓三揖而後升堂東西相向立贊兩  
拜賓坐執事又報曰饌至主席又率僚屬出迎揖  
讓升堂拜坐如前儀

一鄉飲之設所以尊高年尚有德興禮讓敢有誼譁  
失禮者許揚解者以禮責之其或因而失禮者主  
席之人會衆罪之



鄉飲酒義曰賓主象天地也介僕象陰陽也三賓象三光也讓之三象月之三而成魄也四面之坐象四時也六十者坐五十者立以聽政役所以明尊長也六十者三豆七十者四豆八十者五豆九十者六豆所以明養老也

主 府以守州以牧縣以令位於東南 如缺以佐貳代

大賓 以致仕官為之位於西北 或年高有德者

僕賓 擇高年有德之人位於東北

介賓 以次長位於西南

三賓以賓之次者為之位於賓主僕介之後

震益州志

卷二

學校 鄉飲

三

川〇上二不

司正以教職為之主揚解罰失禮者

相及讚並讀律誥以老成生員熟於禮者為之

執事人以典吏為之

儀注

主官衆官於庠門外會集衆賓讚禮四人立東西階之側從門至堂三揖三讓升階望

闕謝

恩執事擊鼓鋪簾排班兩拜就席坐司正揚解揖執事酌

酒授司正司正舉酒曰恭惟

朝廷率由舊章敦崇禮教舉行鄉飲非為飲食凡我長幼



各相勸勉為臣盡忠為子盡孝長幼有序兄弟恭  
內睦宗族外和鄉黨毋或廢墜以忝所生 讀畢司  
正飲酒 飲畢復位 讀律誥讀畢復位 供饌酌  
酒主出位兩拜賓答拜賓酌酒兩拜賓主各就席歌  
詩飲酒供湯供饌畢徹案執事鋪簾賓主相酌皆行  
兩拜主送賓至庠門外東西相向揖禮畢

律誥

尊德樂道行已有恥宗族稱孝鄉黨稱弟內和宗族  
外睦鄰里躬修罔斁式訓遐邇令德壽豈自今伊始  
鄉飲禮序長幼論賢良別奸頑也凡  
違條犯法者不與違者以違 制論

霑益州志

卷二

學抄

律誥

三

三

致仕官

司正

主

階

階

執事

執事者

飲

律誥案

圖

賓

介

州賓階

賓興

賓興

州賓階

執事者

每科鄉試後擇期致新舊舉人啓各一通於公所設  
席宴之宴畢餞於東郊



每科年七月擇期出示傳啓先於儀門內架月宮橋  
屆期科舉生員畢集州堂列宴宴畢簪掛由月宮橋  
出州牧學師至南郊餞之  
每歲科新進童生於紅案發到後擇期出示傳帖屆  
期赴州堂兩行列侍簪掛州牧親送謁  
廟謁畢遊泮遊畢於明倫堂宴之 以上舊志

霑益州志

卷二

學校

賓興

卷之四



風俗

藝風

修其教不易其俗齊其政不易其宜王制也

天子坐明堂正百官萬里而外莫不俗易風移猗歟休哉  
霑向不少夷裸今沐浴

聲教向化更新盡改其舊惟是熙皞之餘婦子和嬉往  
往乘良辰美景以相娛樂其一切相沿俗習禮取從  
宜正於仁讓之休無相悖也志風俗

每月

朔望文武師生耆老兵民咸詣公所宣講

聖諭十六條

霑益州志

卷二

風俗

三四

敦孝弟以重人倫

篤宗族以昭雍睦

和鄉黨以息爭訟

重農桑以足衣食

尚節儉以惜財用

隆學校以端士習

黜異端以崇正學

講法律以儆頑愚

明禮讓以厚風俗

務本業以定民志

訓子弟以禁非爲

息誣告以全良善

誠窩逃以免株連

完錢糧以省催科

聯保甲以弭盜賊

解讎忿以重身命

教導之切維持之深莫詳於此故冠諸風俗之首以  
期遷善還淳共副



士尚廉恥與物和平民少游惰其性易使通志

尚簡畧習禮義勤稼穡多畜牧民尊吏而畏法郡志

自莊躋畧地武侯南征其時已通中國明洪武十四

年秋七月命將軍傅友德藍玉沐英進征從軍皆中

州人隨建設衛所以從軍將士留守故滇人多各省

籍一應婚嫁喪葬無大異彝漢同居村落貿易往來

歷年久遠彝人亦多習知漢禮

霑土瘠民貧路衝役苦不好出鄉井貿易惟知刀耕

火種衣租辦賦而已住居山隅者雖殷實不衣帛或

至老不入城市婦女不衣華麗亦無金銀粧飾嫁娶  
喪葬貧富俱從約會賓客亦淡泊其風近古惟是地  
係衝衢商旅叢集五方聚處習俗不無龐雜賴整飭  
焉

婚禮求婚者敦請冰人設酒讌之冰人至女家達主  
人意相懇女家或未允再三求之既諾亦讌冰人然  
後二姓互相宴飲會親其納采問名禮皆從便將娶  
則定期預通於女家先納幣然後行親迎禮儀物豐  
儉一視其力娶夕行合卺禮三日廟見彌月女子歸

寧



喪禮衣衾棺槨隨貧富爲之有延僧道於家諷經建醮者及發殯亦如之士大夫知禮者皆不用僧道而發殯前亦隨俗用鼓樂娛尸治酒饌待客更以白布數尺奉弔者殯則設鼓樂前導而號泣隨之相延如此

葬禮有力家多信風水之說有遲至年餘不葬者旣葬而有意外之事又更卜改葬反不若貧人附葬祖塋早妥遊魂也

祭禮歲時伏臘春秋祭祀用香楮燈燭陳設牲醴庸愚相習信巫遇疾病惟崇淫祀不事醫藥近行禁止

其風稍改程石門嘗註巫說詳言之

房舍無論薦紳士庶房舍多用銅瓦相傳滇中風高明初特勅許用

市易在州前以申子辰日集謂之趕街他無所產貨米麥菽豆布疋牲畜而已

一在城南猪街以亥日集四面皆州境其稅舊係府稅今入南寧徵解

正月元旦肅衣冠拜天地祖先尊長以次畢卽互相賀歲各拜親隣傳茶奉檳榔至親者則設饌飲年酒至四五日漸稀立春先一日官吏彩仗迎春東郊士



民競賞元宵張燈前三日城市鄉村裝飾踏歌行樂  
調類竹枝詞競放花炮

二月三日覓勝地效修禊事

二月八日有迎太子會與他郡特異相傳有龍潭不知在何許傍生旃檀香樹一株大數圍高十餘丈不時有光元時有異人伐之鏤佛像三日大太子二太子三太子云爲釋迦如來佛子庇佑境土冠五佛冠衣紅袍交城十鄉人民輪流供奉每歲會期作佛事高擡盛裝社夥鼓吹喧雜人聚觀之先於初七日昇遊市中至初八日迎赴會場

在城東諸天寺前

云與佛母相

霑益州志

卷二

風俗

三七

見自元明至今未有易也 十鄉土住凡男女婚嫁有年月未協兩家先自言定男家備轎馬於半路女家引女至會場爲男家搶去俗云搶親至次日婿往翁家謝請其女父母照備裝奩送之此悞沿夷俗今已大革

清明節各姓子弟攜酒醴楮帛拜掃先塋

四月八日浮屠以爲釋迦生各寺設供浴佛

五月五日天中節以艾虎菖蒲懸門食角黍飲雄黃酒

小兒繫五色縷於小項以雄黃抹額佩香囊鬪草爲樂

十三日關帝聖誕設供慶祝



二十八日城隍誕演戲修佛事

六月六日曬書帙衣服以去虫蠹

二十五日共燃長炬為樂照田園視火色以卜豐歉  
名曰星回節土爨以先一日為歲祭先祖刳牲宴飲  
按滇南野史蒙舍詔皮羅閣欲併六詔為一因建松  
明樓於是日誘五詔祭祖會飲酒酣去其梯盡焚死  
先是閣為此計人無知者惟鄧賤詔妻慈善勸其夫  
勿往不聽善以鐵釧約夫臂既被焚他詔尸莫辨獨  
善以鐵釧故識夫尸歸葬皮羅閣聞其賢欲娶之善  
執節竟以餓死土人哀之每歲於是日燃炬設祭遂

益州志

卷二 風俗

成故事南詔旌其城曰德源城一云孔明於是日擒  
孟獲侵夜入城父老設燎以迎相沿成俗未知孰是

慈善一稱寧壯妃德源城在今鄧川治東志皆載之  
五詔一曰浪穹一曰施浪一曰鄧賤是為三詔其西  
北曰縻些詔石壁上有色斑爛類花馬又名花馬國  
一曰蒙嵩詔五詔皆在蒙舍詔之北故蒙舍稱南詔  
云

七月七夕婦女設花菓羅拜織女星穿鍼乞巧或以  
鍼浮水中驗其影

十五日各家追祀先人釋家為孟蘭會

八月中秋以月餅西瓜焚香拜月宴賞

九月重陽飲菊酒登高



十月男女拜掃墳墓如清明節

十一月冬至拜長至節

十二月八日食粥二十四日夜以花果糖餅祀竈除日換桃符新聯門丞夕祀家神祖先男女老幼團聚導飲圍爐守歲

附葬風

白猓羅之種二而男耕女織習尚儉樸衣冠禮儀一如漢人惟葬語尙未盡改居山者男子裹頭跣足以草束腰女燹耳帶銅環披羊皮事耕鑿於諸葬中向化最先蓋其質性原與漢人不相遠也

霑益州志

卷二

風俗

三

乾猓羅於夷人中最賤苦績麻捻火草爲布衣之男衣至滕女衣不開領緣中穿一孔從頭下之名套頭雖高岡磽隴亦力耕及之種惟蕎菽燕麥四時勤苦儘足食懶農及衣棉者衆講罰之茅草版片樹皮爲矮屋中設火炊男女兩列坐宿四時日夜火不斷刻木爲信各收其半爲交易之符極謹樸無敢爲盜黑猓羅於夷爲貴葬之在州境者雖分黑乾白三種而總號鹿盧蠻今訛爲猓羅卽安土燹民性極强悍衣短青衣髻向前以布繞其髻出入佩短刀性嗜酒好鬪能負不能挑女長裙細褶姚繼三有詩云負戴



蠕蠕識猓獾長髮高髻縛烏魔蠻娘能織連錢錦貝飾花裙百褶多走馬拖長鎗習以爲常其喪葬婚嫁迥與人異其書形如蝌蚪絕不可識占吉凶多用雞卦徃徃奇中徃時營長常勾連東川烏蒙洮邊滋事綁虜人畜由是戍五郎坡戍陳枋橋戍鶯哥嘴戍松韶關以防之今各屬夷人皆已底定安司革除之後俱極奉公守法各安生業錢糧歸州無逋抗考成之累土地人民歸州有統轄操治之權賢良牧守更得所以撫馭之道勿滋擾勿過求寬嚴互用使之懷德畏法則久道化成不難蒸蒸日上變矣

爨蠻卽爨氏後本安邑人在晉時爲南寧太守中國亂遂王滇中陸涼爨王碑云楚令尹子文之後姓班氏西漢末食邑於爨遂以爲氏爲爨蠻校尉晉時有爨琛爨震隨爨玩作亂史萬歲討平之唐以爨歸王爲南寧州刺史理石城卽今曲靖唐書曰曲州靖州西南昆州曲軛晉寧渝獻安寧距龍和城通謂之西爨白蠻自彌鹿升麻二州南至步頭謂之東爨烏蠻以烏白爲號無姓氏其稱爨者從主姓也滇初爲白國王其爨爲白人後有爨王則爲爨人猶廣西之彘號爲儂人也爨蠻之名相沿甚久種類甚多有號爲鹿盧



蠻者今訛爲猓獠凡黑水之內依山谷險阻者多此  
名號差殊言語好尚各異

海彝居海地洪武時入流爲亦佐土縣丞康熙五年  
改爲太平久安長治三里隸歸霑益康熙二十八年  
平彝復縣以久安長治二里歸併平彝其太平一里  
仍屬霑益其習與諸夷近然德化所感皆知保父母  
妻子以爲順民漸且革心向義用夏變夷駸駸乎有  
文物衣冠之盛矣

舊志

案州境風俗今昔無殊惟民間婚祭喪葬諸儀  
較乾嘉間漸尚繁縟土著彝風感禮教者深多

霑益州志

卷二

風俗

彝風

星

川上

有變夷爲漢化俚爲雅之處篇中修禊事一節  
據論語及蘭亭叙皆屬暮春應作三月茲云二  
月疑誤二月八日迎太子會兵燹後久停惟南  
甯之王家堡尚沿此俗六月二十五日燃長炬  
爲樂名星回節考滇雲歷年傳六月二十四日  
火把節一云武鄉侯以是日至白崖夷蠻列炬  
迎之故留傳爲節一云有夷婦阿南於此日死  
節故傳之一云皮羅閣滅五詔慈善夫人賢智  
殉節故民哀思感慕因有此節始於遼而遍於  
滇雲者也或稱爲星回節非也考明程羽文演



月令十二月十六日爲星回節而全唐詩中亦載蒙詔十二月十六日星回節與諸晏飲詩一首頗雜蠻語然其意似歲時伏臘君臣相與晏樂不謂有燃炬食生事也且程氏月令及之則此節斷不專在南中而必非六月二十四日矣漢書天文志有曰星回歲終陰陽已交勞農夫享臘以送故等語則此節當係享臘故取星回以爲名也滇雲本緣忠義節烈以著此節則介山寒食屈江競渡罷從物名從人又奚必改火把節爲星回節而反失其實哉今據傳內引唐

霽益州志

卷二

風俗

彝風

三

詩注意似伏臘等語緣滇雲夷俗於六月二十四日宰牲度歲查雲南分野在井鬼間井於十二辰屬未星家云每歲未申間諸星聚於井故夷俗附會星回歲終之意而襲此節名後世用夏變夷咸遵正朔此俗久革惟火把節相沿至今說者以是節火光爛爍如星而誤以星回名之又篇內甯壯妃應作甯北縻些詔應作縻些蒙嵩詔應作蒙嵩



戶口

資始資生乾坤吾父母也而聖王以為元后作民父母受氣於天地受養於君公與受形於父母理無殊也需當孔道昔屢遭兵燹不堪回憶今乃日益殷繁帝力可知矣行其境老安少懷士讀農耕撫茲赤子諒切誠求志戶口

州屬漢彝雜處歷不編丁無從開註向以州分十二里里分十甲後又分為五路一里乾隆三十一年檢覈零星散戶共得三萬七千五百零多係糧冊無名貧乏不能立戶者所有輸納俱歸親族戶下並將從

需益州志

卷二

戶口

里

前分里現在分路之名附記

遵化里

順義里

仁和里

禮讓里

勸相里

康阜里

太平里

興仁里

興讓里

和睦里

萬安里

忠順里

現分五路一里

東路

西路

南路

北路

東南路

太平里辦差幫協南路

舊志

道光間城鄉共計二百四十一村戶口一萬二千二

百一十七戶

續志

光緒九年烟戶冊城鄉土著客籍共計一萬七千三



百一十一戶共計男三萬五千二百餘丁婦女共三萬一千三百餘口

詳冊

案州境今仍五路一里惟咸豐前戶房糧冊有遵順仁禮康勸六十里甲之名兵燹冊無存此名亦湮光緒四年清丈田畝所有里甲糧條按照各村編冊立案本年躉丈因之其應辦公事照路分割內有東南路及南路前已奉文各作半路攤派



田賦

人隸司空之籍家耕

天子之田任土作貢其古今之通義乎幸逢

歷聖軫念荒徼惟正之供一從其薄而

蠲詔頻仍有加無已

聖天子視民如傷撫綏無乎不至矣顧霑地瘠山多民勤

稼穡蒞斯土者其思撫摩而鞠育之志田賦

原額成熟夷地三百七十一頃二十五畝三分二釐

內除夷地改田二頃二十一畝另於田糧項下

增造外尙該地三百六十九頃四畝三分二釐

霑益州志

卷二 田賦

四十五

內

上則地六十七頃一十五畝三分五釐每畝科地

畝銀七釐該地畝銀四十七兩七釐四毫五絲

中則地九十七頃四十九畝五分四釐每畝科地

畝銀六釐該地畝銀五十八兩四錢九分七釐

二毫四絲

下則地二百六頃六十畝四分三釐內除夷地改

田二頃二十一畝另於田畝項下增造外尙該

地二百四頃三十九畝四分三釐每畝科地畝

銀五釐該地畝銀一百二兩一錢九分七釐



毫五絲

以上三則該

實徵地畝銀二百八兩八錢六釐八毫內除夷地改田原納地畝銀一兩一錢五釐另於改墾田畝項下科徵糧條外實徵銀二百七兩七錢一釐八毫四絲

原額成熟民地九十頃四十九畝五分七釐五絲二忽六微六纖六塵六渺六漠又續墾地四十七頃五十二畝三分三釐四毫二絲八忽七微一纖四塵二渺二漠共地一百三十八頃一畝八

霑益州志

卷二

田賦

四十六

川石口文

分四釐一毫八絲一忽三微八纖八渺八漠內上則地二十二頃五十二畝五分六釐七毫每畝科稅一升八合該稅三十八石七斗四升六合二勺六撮

中則地一十頃九十一畝四分九釐每畝科稅一升三合一勺該稅一十四石二斗九升八合五勺一抄九撮

下則地五十八頃五畝四分五釐五絲二忽六微六纖六塵六渺六漠又續墾地四十七頃五十二畝三分三釐四毫二絲八忽七微一纖四塵



二渺二漠共地一百五頃五十七畝七分八釐  
四毫八絲一忽三微八纖八渺八漠每畝科稅  
八合三撮該稅八十四石四斗九升三合九勺  
五抄一撮八圭六粒六顆九粟

以上三則該

實徵夏稅折色六錢麥九十九石五斗五合七勺四  
抄五撮五圭六粒四顆九粟又續墾六錢麥三  
十八石三升二合九勺三抄一撮三圭共麥一  
百三十七石五斗三升八合六勺七抄六撮八  
圭六粒四顆九粟奉文改徵本色

霑益州志

卷二

田賦

四十七

川志

原額成熟民田二百七十六頃六十畝七分七釐六  
毫六絲五忽三微五塵二漠內

上則田九十四頃九十八畝九分三釐七毫五絲  
九忽四微八纖三渺五漠每畝科糧三升七抄  
一撮該糧二百八十五石六斗四升二合五勺  
五抄二撮四圭一粒三顆三粟

中則田一百一十二頃七畝一分四釐四毫一絲  
九微每畝科糧二升五合該糧二百八十五石一  
斗七升八合六勺二撮七圭二粒五顆

下則田六十九頃五十四畝六分九釐九絲四忽



九徵二纖五塵七漠每畝科糧一升八合九勺  
該糧一百三十一石四斗四升三合六勺五抄  
八撮九圭四粒九粟

夷田免丈照額辦納秋糧米七十八石五斗八升九  
合二勺九抄六撮八圭三粒五顆

以上三則竝夷田該

實徵秋糧本色米六百三十七石一斗八升二勺六  
抄三撮六圭七粒七顆二粟

實徵折色五錢三釐五毫米一百三十八石八斗三  
升五合九勺四抄七撮二圭三粒七顆奉文改

徵本色

原額成熟民田三百九十二頃八十三畝一分二釐  
七毫二絲又新增清丈出原額夷地改墾成田  
二頃二十一畝又新增民田九頃四十三畝九  
分共田四百四頃四十八畝二釐七毫二絲內  
上則田五十六頃三十五畝二分九釐五毫四絲  
每畝科糧四升該糧二百二十五石四斗一升  
一合八勺一抄六撮

中則田一百五十頃四十四畝七分三釐五絲每  
畝科糧三升二合該糧四百八十一石四斗三



升一合三勺七抄六撮

下則田一百八十六頃三畝一分一毫三絲又新  
增清丈出原額夷地改墾成田二頃二十一畝  
又新增田九頃四十三畝九分共田一百九十  
七頃六十八畝一毫三絲每畝科糧二升四合  
該糧四百七十四石四斗三升二合三抄一撮  
二圭

以上三則該

實徵秋糧本色米八百一十二石七斗八升四合九  
勺七抄六撮二圭四粒又續墾新增本色米二

霑益州志

卷二 田賦

四十九

三〇七

十七石九斗五升七合六勺共米八百四十石  
七斗四升二合五勺七抄六撮二圭四粒

實徵折色七錢米三百四十石五斗三升二合六勺  
四抄六撮九圭六粒奉文改徵本色

以上成熟民田地一千一百八十八頃一十四畝  
六分六釐一毫六絲六忽六微八纖六塵三渺  
夷稅糧二千九十四石六斗六升八合一抄九  
圭七粒九顆一粟內夷糧八百八十五石一斗  
三升一合三勺二抄五粒四顆一粟編條編地  
畝銀三百七十四兩二分一釐一毫八絲六忽



三微四纖六塵九渺又秋糧二十八石二斗六  
升一合四勺六抄七撮七圭二粒五顆每石編  
條編地畝銀四錢九分九釐三毫四絲六忽一  
微該條編地畝銀一十四兩一錢一分二釐三  
毫五絲三忽六微八纖八塵七渺五漠又原額  
丈出並續墾秋糧一千一百八十一石二斗七  
升五合二勺二抄三撮二圭每石編條編銀二  
錢該條編銀二百三十六兩二錢五分五釐四  
絲四忽六微四纖共該

實徵條編地畝銀六百一十四兩四錢五分八釐五

絲三忽七微七纖四塵一渺五漠又續墾隨稅  
糧條編銀九兩九錢三分四毫三絲九微一塵  
五渺共銀六百二十四兩三錢八分八釐四毫  
八絲四忽六微七纖五塵六渺五漠

實在民賦田地一千一百八十八頃一十四畝九分

六釐一毫六絲六忽六微八纖六塵三渺

一實徵夏稅秋糧麥米二千九十四石六斗六升八

合一抄九圭七粒九顆一粟內

夏稅麥一百三十七石五斗三升八合六勺七抄六

撮八圭六粒四顆九粟



秋糧米一千九百五十七石一斗二升九合三勺三抄四撮一圭一粒四顆二粟

以上麥米徵貯州倉聽糧儲道撥運報銷

一實徵條編地畝銀八百三十二兩九分三毫二絲四忽六微七纖五塵六渺五漠內除存留坐放州屬孤貧口糧銀三十六兩官役俸工等銀六百八十五兩四分外其餘銀兩起解布政司庫

右照賦役全書與杜本異

舊志

州屬田賦自咸豐兵燹後田地荒蕪不敷原額光緒十年清丈州屬共上中下則田地一千一百九

霑益州志

卷二

田賦

至

川

十一頃一十畝三分六釐內成熟田地共一千三十七頃九十畝七分八釐

實徵夏稅麥一百三十七石五斗三升八合七勺每麥一石四斗折米一石該折米九十八石二斗四升一合九勺

實徵秋糧一千七百七十石五斗二升五合七勺

實徵條編地畝等銀七百二十三兩九錢四釐

公伴銀六百一兩五錢五分九釐

奏平銀七十二兩三錢九分

火耗銀五十兩六錢七分三釐



糧羨銀一百四十九兩五錢一分

無力開墾荒蕪共田地九十七頃七十九畝八分一

釐該

緩徵秋糧米一百五十九石九斗四升

緩徵條編地畝等銀七十一兩八分七釐

公伴銀五十四兩一分四釐

奏平銀七兩一錢九釐

火耗銀四兩九錢七分六釐

糧羨銀一十二兩七錢九分二釐

水冲沙壓不能墾復田地共五十五頃三十九畝七

嘉益州志

卷二

田賦

五

分七釐該

無徵秋糧米四十二石八斗二升四合

無徵條編地畝等銀三十八兩四錢四分一釐

公伴銀一十四兩四錢六分六釐

奏平銀三兩八錢四分四釐

火耗銀二兩六錢九分一釐

糧羨銀三兩四錢二分六釐

通共實徵緩徵無徵秋糧夏稅共二千零七十一石

四斗九升二合

通共實徵緩徵無徵條編地畝公伴奏平火耗糧羨



銀一千八百一十兩八錢五分二釐

詳冊

案舊志無公件查滇雲歷年傳雍正八年總督鄂爾泰奏定公件隨糧上納以充百官養廉初巡撫楊名時以雲南一切公事俱係百姓辦應頭人指一派十勢不能免核實數目令有司照徵辦公以免侵派之弊而輕重多未均至是鄂督取而重核其數照徵彙解分給養廉大畧秋糧一石納公件自四錢以至二三錢不等

錢糧碑

州正堂董諭州屬士民糧戶人等知悉照得征收

霑益州志

卷二

田賦

五

川上

錢糧均有一定章程不得稍滋弊端近來風聞一切錢糧人役多有積弊累民茲本州查得上年舊章相沿日久遽難更易茲聚集紳耆人等仍酌遵向來舊規每折米一石上圖銀一兩六錢條地銀每一兩加秤頭八分俱用市秤較準制碼二副以防抵換及銀匠火耗米每兩二分不得壓色倉場收米頭人花戶各帶篋單書斗不得拋撒每石耗米三京升樣看米四盤每盤二京升半不容過取戶書串錢每石一百文條地銀每兩串錢五十文差費量爲幫給自諭之後務須一體遵照章程上納若有不法地棍頭人及



書差斗級等稍有違規苛索情弊許糧戶等指名扭稟以憑從重究治決不寬貸稟遵毋違特諭  
條欵開後

一倉上收米每石糧羨錢三百十文每斗給斗級錢十文以抵地盤

一六里頭人冬酒免辦催差不得苛派

一頭人征收較從前俱宜輕減不得仍復苛索如違稟究

一花戶上納糧條宜在冬季清完不得遲延拖欠如違稟究

霑益州志

卷二

田賦

五

一花戶除本註外不得包攬代納如違稟究

一營火六里坐房銀兩盡行革除

道光十九年歲次乙亥季春月合州士庶公立  
採訪冊



課程

匪頒芻秣出有常經藪牧虞衡事關

端端

國典古人水草土木各設專官朝野利用厚生之道於是乎在霑地狹無產不置升人亦無斥地而調濟徵輸之法具有成規循而行之美利溥於不言也志課程

額鹽每年領售三十萬斤帶銷秤頭鹽八萬四千斤  
每年交鹽道衙門課銀九千九百四十八兩  
牲稅銀四十三兩四錢九分五釐遇閏加銀三兩八錢九分七釐照例徵銀起解布政司庫

霑益州志

卷二

課程

五

川

商稅曲靖府收自行起解

稅契原無定額遇有民間投納按季彙解

舊設爐十五座委監鑄官一員每爐三十六卯共鑄

銅鉛四十九萬一千四百斤得錢五萬六千一百六

十千文支放附近兵餉廩食至雍正五年停止

舊志

查滇雲歷年傳作雍正四年停霑益鑄錢其局在西門外里許腰堡今局廢遺址存

額鹽嘉慶四年巡撫初奏請竈煎竈賣民運民銷

續志

案咸豐軍興後通省安設釐金局由上憲委員

來州設局抽收往來客商及落地貨物自收自

解每兩約抽銀三分後併入曲靖大局今尚未停止



經費

蠲卹

賞卹附

周禮太宰之屬司會以九賦之法會田野之財用而有職內掌其入卽有職歲掌其出今卽霑地區區乃官有祿兵有餉士有餼老有粟帛疾貧無告者有養力役奉公者有給凡此皆爲吾民也吾民士食舊德農服先疇固相忘於不識不知而度支所係規制正不可不詳爾志經費賞卹附焉

霑益州知州一員從五品歲該支俸銀八十兩

門子二名每名歲該工食銀六兩共銀一十二兩

皂隸一十二名每名歲該工食銀六兩共銀七十二兩

霑益州志

卷二

經費

五十六

二兩

原設民壯三十名內除裁減民壯四名外實設民

壯二十六名每名歲該工食銀六兩共銀一百

五十六兩

轎傘扇夫七名每名歲該工食銀六兩共銀四十

二兩

禁卒六名每名歲該工食銀六兩共銀三十六兩

庫子二名每名歲該工食銀六兩共銀一十二兩

斗級二名每名歲該工食銀六兩共銀一十二兩

學正一員正八品訓導一員從八品每員歲該支俸



銀四十兩共銀八十兩

齋夫二名每名歲該工食銀六兩共銀一十二兩

膳夫二名每名歲該工食銀六兩共銀一十二兩

門子二名每名歲該工食銀六兩共銀一十二兩

喂馬草料歲該銀一十二兩

吏目一員從九品歲該支俸銀三十一兩五錢二分

門子一名歲該工食銀六兩

皂隸四名每名歲該工食銀六兩共銀二十四兩

馬夫一名歲該工食銀六兩

新設炎松巡檢一員從九品歲該支俸銀三十一兩

霑益州志

卷二 經費

五十七

五錢二分

皂隸二名每名歲該工食銀六兩共銀一十二兩

弓兵四名每名歲該工食銀六兩共銀二十四兩

馬夫二名歲該工食銀一十二兩

鞭春酒席銀二兩

額設各項祭祀均派共銀五十六兩內除動支公件

銀八兩歸公銅價銀一十八兩外該地丁銀三

十兩

額設州前二舖阿幢公館海子山塘長衝十里遵化

松韶來遠麗澤一十二舖共舖兵二十名每名



歲該工食銀三兩六錢共銀七十二兩

額設廩生三十名每名年該三分之一餼糧銀二兩

四錢共銀七十二兩

額設孤貧一十名每名口日給銀一分歲該銀三兩

六錢共銀三十六兩遇閏加銀三兩

以上官役俸食喂馬草料鞭春祭舖廩餼孤貧等

項歲該銀八百九十七兩四分內除鞭春祭舖

廩餼銀一百七十六兩以鼓鑄局錢支給於司

庫地丁銀內易銀報銷又孤貧口糧銀三十六

兩遇閏照加小建扣除又官役俸食喂馬草料

霑益州志

卷二

經費

五十八

銀六百八十五兩四分均於經徵地丁項下存

留坐放如有官員空缺事故年底扣除解司核

實彙冊報銷

額外孤貧十六名

現在收養年老無依孤貧及外來流丐共七名

以上額外年老流丐三項年終造冊赴司請頒

養濟堂

在城內玉皇閣側雍正十一年知州杜思賢捐建

育嬰堂合養濟堂

駐防兵一百名把總一員於乾隆三十四年正月裁

去兵三十名每兵日支京斗米一升按月在州



倉支放餉銀自曲尋鎮支領

堡夫工食藩庫總發昆明縣每季官出印領給堡夫

等自赴昆明請領堡田在外

舊志

案篇中未載各官養廉茲據詳冊知州養廉銀

一千兩吏目巡檢養廉銀各六十兩按季春夏

赴司請領秋冬由地丁項下坐支交水泚把總

一員據泚冊每月實領俸薪養廉銀十二兩泚

兵前裁留七十名咸豐五年裁兵五名同治三

年復經各官寄存大營兵九名在泚者止五十

六名奉文以五成裁留兵二十八名內戰兵九

雲益州志

卷二

經費

五

川。八。八

名每名月該銀一兩五錢守兵字識共十九名

每名月該銀九錢按月赴曲尋協中軍請領糧

米仍由州倉支放

蠲卹

康熙五年免迤東被寇新荒錢糧

二十年巡撫伊闡率於軍遺疏請蠲本年夏稅

從之

二十八年雲南逋欠屯賦銀七萬二千二百零

米麥等項十萬七百石零悉行豁免

四十三年免本年通省地丁錢糧



五十年詔免雲南通省地丁錢糧並歷年逋欠  
五十二年詔嗣後各省編審人丁以康熙五十  
年丁冊定為常額續生人丁永不加賦俱造入

盛世滋生冊

雍正八年詔免本年通省額徵地丁銀十分之一  
十三年詔免本年地丁銀兩

乾隆元年詔雍正九年報墾田地錢糧悉准開除

十一年地丁錢糧全行蠲免

三十二三四五四年地丁錢糧俱蒙蠲免

四十三年地丁錢糧全行蠲免

霑益州志

卷二

經費

蠲卹

本

川卷二

五十六七八年地丁錢糧每年蠲免三分之一

嘉慶元二三年地丁錢糧每年蠲免三分之一

二十三年臨安軍務兵差過境地丁錢糧蠲免

十分之三

道光元年永姚軍務兵差過境地丁錢糧蠲免十分

之三

案道光元年後蠲卹無考咸豐六年至同治三

年回叛踞城錢糧無征同治四年至十二年實

征十分之五六七呈不等十三年巡撫岑毓英

奏請奉詔免以前逋欠其應征錢糧霑益免十



分之二以十年為限光緒九年通行清丈本年  
詳定不敷原額一呈零

光緒九年奏免通省夫馬以是年正月初一日為始

奏稿告示載藝文

櫛冊

賞卹

康熙二十五年巡撫王繼文奏准歲發常平倉捐穀

卹養無告孤貧飭令有司計口放給按年報銷

四十二年三月十八日恭遇

聖祖仁皇帝萬壽恩詔賜老人年七十以上者許一丁侍養

免其雜派差徭八十以上者給與絹一疋綿一觔米

霑益州志

卷二

經費

賞卹

全

一石肉一斤九十以上者倍之至百歲者題明給與

建坊銀兩 四十八年三月欽奉

恩詔賜老人絹綿米肉如前

五十二年三月十八日恭遇

聖祖仁皇帝萬壽

恩詔賜老人如前

六十一年十一月二十一日

世祖憲皇帝登極欽奉

恩詔賜老人如前

雍正元年正月十二日奉



上諭老人九十以上者州縣不時存問其或孤寡及子孫貧不能養贍者督撫以至州縣設法卹養或奏聞動用錢糧務令得霑實惠

八月十三日欽奉

恩詔賜老婦年七十以上者給與布一疋米五斗八十以上者給與絹一疋米一石九十以上者倍之百歲者題明給與建坊銀兩

二年五月

上諭各省督撫轉飭有司勸募好善之人於通都大邑人烟稠集之處照京師例設立普濟堂育嬰堂養老存

霑益州志

卷二 經費

三

孤

十三年九月初二日

皇上登極欽奉

恩詔賜老人悉如康熙六十一年之數

十三年十一月十四日欽奉

恩詔諭各處養濟院所存鰥寡孤獨殘疾無告之人有司留心以時養贍勿致失所又欽奉

恩詔冬月嚴寒鰥寡孤獨貧民無以爲生著督撫令有司將罰贖積穀酌量賑濟毋令姦民冒領

十三年十一月欽奉



恩詔賜老婦米帛絹疋悉如雍正二九年之數

乾隆十六年

皇太后六旬萬壽頒

恩詔賜老人如前

乾隆二十六年

皇太后七旬萬壽頒

恩詔賜老人如前

乾隆三十四年進剿緬匪賊奉

恩旨賞里民三十萬兩每站

奏發夫馬守候回空銀四千兩是年冬緬賊降三十五

霑益州志

卷二 經費

三

年撤兵各站

恩賞如前舊志

案工竣申書奉通志局憲陳批示如式外單查舊志稿原載額外孤貧參

拾貳名又歲修塔房銀伍拾叁兩伍錢等情奉此查係舊本漏載造冊具

文以遵單補入新志中覆合並另版登明於此 冬拾壹月拾柒日申



水利

萬民之命係於耕萬世之利係於水大禹自導河積石而力不遺溝洫蓋必源流巨細兼治而後盛績可垂於不朽書曰予決九川距四海濬畝澮距川涸別資其利益則防其害講水利者大指不出乎此霑邑東西北三路多無源之田南路地卑往往浸沒欲使無源者享灌溉之益易浸者免泛濫之虞因勢利導之功可不講之於素乎志水利

沙河在城東五里饒灌溉之利但河高田下堤塍易圯歲資修濬

霑益州志

卷二

水利

畜

田之六

交河在城東門外源出花山碕由白浪三川經松林境北田畝咸資灌溉至天生壩分爲東西二渠東流微弱至大覺寺而竭西流則蜿蜒二十餘里北經黑橋南趨太平橋納玉光村溪水又納沙河水環抱城郭至梅家閘與臘溪合流城南北三鄉八伍二舖田畝咸資灌溉合州水利莫廣於此閘下五里許流入南甯縣界下會白石瀟湘二水趨橋頭過陸涼入大

池江

雙河壩在城西南二十里卽臘溪上流也一出半個筭一出烟子冲會於新橋灌溉田畝



臘溪在城西源出鳳凰山流二十餘里隨流引灌爲  
二壩至城南梅家閘與交河合流環繞而下入南甯  
縣界

扯捕龍潭在城東十五里許東山後水出山腹引灌  
十餘里

角家鄉龍潭在城東二十五里引灌三鄉田

海家龍潭在城東南二十里海家地三源並出大雨  
時一清一濁東西資其灌溉

大龍潭在城東北五里旁有小龍潭水出較盛分灌  
東北一帶田畝

霑益州志

卷二

水利

奎

川石

天生壩在交河上流瀑布三疊明天啓間總兵楊祿  
開東西二渠引灌民田

羊場七壩在城東南九十里灌羊場一帶田

西閘壩在城南十里引新橋水灌溉十三屯田 本  
朝康熙二十六年州民張仲等建後州民韓繼正增  
修

黑蛇壩在城南十五里交河下流

擦耳石壩在城西南十餘里引灌州西田畝流入新  
橋閘

交水壩在城北平蠻鄉



銅車壩在城北三十里松林驛南引塊卜溪水灌松林一帶田畝

來遠壩在城北八十五里灌來遠舖田

沙河三閘在城東五里灌東郊田

梅家閘在城東南十里交河臘溪二水至此合流

入南甯縣界明宣德間千戶梅用建閘以時啟閉至

今無異

新橋閘在城南十里雙河水會此

舊志

案沙河在城東郊引龍王廟河水灌漑曲家營

各村田畝今河下流淤塞田皆成地原有三閘

霑益州志

卷二

水利

矣

卅之三

亦廢未修天生壩道光二十八年邑人曹錕倡

率修建咸豐六年燬於賊同治三年平定後合

壩田皆作地光緒三年知州江寶善諭紳士李

景賢曹士麟唐得勝鄧國柱率水頭人等按合

壩田畝捐貲重建曲靖府知府陳彝親臨勘驗

捐助修銀捌兩臘溪水原由新橋引至梅家閘

與交河合流今河淤塞未開合村田畝灌漑恒

艱西閘壩光緒三年邑人丁治齊奉曲靖府陳

彝示會南甯諸村頭人由沈家橋豐谷圩開河

引灌各村田畝於龍家塘築暗硿分股灌莊家



屯下首田梅家開因兵燹廢未建其納臘溪之  
河水與交河之支河淤塞難開水害較前尤甚  
今其地易名交河村

嚮水河石壩在城西十餘里保安橋上引灌金覺寺  
套家灣一帶田畝

牛角河在城西天生壩水源出山洞中灌漑下村田  
畝流至大壩上面與河水合

蕭家營石壩在大龍潭河中引河水灌該村及木客  
山落腳塘玉光村田畝

黃龍潭在城西十餘里觀麥地村前相傳龍色黃故

霑益州志

卷二 水利

七

名其水流歸响水河

瓦達龍潭在城西天生壩後山水由山谷中繞出引  
灌該處上中村田畝

老馬溝龍潭在城西三雄旁潭水極盛流入石溝河  
蜿蜒十餘里與臘溪匯沿河一帶如大河邊萬綠箒  
阮橋等村多為石壩引灌田畝

烏龍潭在城東五里龍王廟前河中道光末潭忽移  
於廟左圩堤裡面其水灌漑沙溝沈家營下壩田畝

至今相沿

利公壩在城南二十里鳳來村壩水引灌南霑數村



田畝光緒四年築

上壩在城東龍王廟上首引河水灌溉沙溝沈家營  
各村上壩田畝

曹家壩在城西十餘里响水河上其水灌溉錢家坡  
倉溝村一帶田畝

小白龍潭在城東二十里高寨上對河二潭相傳北  
山寺龍移於此潭

真龍潭在東十五里小壩上潭水引灌小壩田畝  
石板井壩在東十五里天生橋下流其水引灌小海

子田

靈益州志

卷二

水利

突

大壩在東二十里高寨上河引灌高寨哨上二村田

畝

沙壩在東十二里新屯河上引灌該村田畝

採訪冊

學校

戶口

